

regionibus, quanquam illud, quod circa urbem *Thecoam* crescebat optimum existimabatur, testibus Judæis in *Menachoth VIII: 3*. תקוע אלפא לשמן אבא שאול אומר שנייה לה רגב בעבר הירדן. כל הארצות היו כשירות אלא מכהן היו *Thecoa prima est oleo: Abba Saul inquit, secunda est Ragab trans Jordanem. Omnes quidem regiones erant idoneæ, sed illinc adducebant. Conf. Maimonides in הלכות אסורי מזבח Cap. VII. §. 2.* Eodem modo uti gentes *Venafranum* oleum maximo in pretio habebant. Vid. *Tiraquellus in notis ad Alex. ab Alex. Dies geniales Lib. V. cap. 21.* & *Fortun. Schacchus in Myrothecio I. cap. 4.* Ejusmodi igitur olei varius in sacris usus erat; sive respicias ferta, quæ eo delibuta dabant, sive candelabrum aureum, cujus lucernæ oleo replebantur, sive alios denique usus, quos late pandit idem *Schacchus in Myrothecio I. ab init.* In adspersionibus præfertim, quæ res nos propius attingit, non uno modo adhibebatur. Principio, leprosus octavo post primam purificationem die eo mundari solebat. Jubetur ille eum in finem afferre *לוג אחד שמן* *Logum unum olei Levit. XIV: 19.* Vocabulum *לוג* in hoc solum negotio occurrit in sacris, unde *Aben Esra* ad h. l. *מרה ואין לו אח* *mensuram non habens fratrem* appellat, id est quæ non nisi in hoc loco memoratur, quod etiam docetur in *Menachoth IX: 3.* Chaldæi *לוגא* retinent, Alexandrini per *κοτύλην* vertunt, quam Latini *hemina* appellant, quæque dimidia pars est sextarii. Accurati tamen sunt Judæi in determinandis & illâ & cæteris omnibus mensuris, quas plerumque ovorum capacitati æquiparare solent: Sic v. gr. *R. Salomon ben Melech* in *מכילל יופי* fol. 27: c. *logum* dicit esse *מרה קטנה ידוע ביניהם והוא אחד מעשרים וארבעה בסאה והוא שיעור ששה* *mensuram parvam notam inter ipsos, quæ contineat quartam & vigesimam partem Sæ habeatque capacitatem ovorum sex.* Conf. *Maim. in præfat. Tractatus Menachoth fol. 112. c. d.* & ex Christianis præter *Waserum* cæterosque quos citat *Ziegra in Dissert. de Oleo unctionis sacro §. 23.* *Ainsworthus in Exod. XXX. 24.* & *Goodwinus in Mose & Aarone Lib. VI. cap. IX. §. 23.* Necessarium autem erat, ut *logus* iste, quem leprosus offerebat, plenus esset, neque quicquam ex eo deficeret, quod observant Judæi in

Usus ejus.

Logus qualis mensura.

Debebat plenus esse.

*Negaim*